



Nastavak akcije "Oskar"

Uhapšen Vahidin Dobrača

U nastavku akcije "Oskar" pripadnici Državne agencije za istrage i zaštitu (SIPA) uhapsili su jučer ujutro u Sarajevu Vahidina Dobraču (29) zbog sumnje da je počinio krivično djelo organizirani kriminal u vezi s trgovinom drogama.

U akciji su pretreseni stambeni objekt i vozilo koje koristi uhapšeni.

- Pripadnici SIPA-e proveli su višemjesečnu složenu kriminalističku istragu, koja je rezultirala utvrđivanjem činjenica i prikupljanja dokaza o kriminalnim aktivnostima osumnjičenih osoba. U prethodnom periodu, u okviru pred-



Privođenje uhapšenog Dobrače

(Foto: SIPA)

meta "Oskar", na području BiH i Republike Srbije uhapšeno je ukupno 15 osoba.

Prije ovog, 11. decembra prošle godine uhapšeno je osam osoba i pretreseni su objekti na deset lokacija, a oduzeto je više od tri kilograma heroina - saopćeno je iz SIPA-e. Nakon kriminalističke obrade, Dobrača će biti predat Tužilaštvu BiH na daljnje postupanje.

Podsjećamo, među osam uhapšenih u decembru bili su Ali Lokaj, Muharemi Nijazi, Hakija Mehović, Nermin Planinić te V. M., E. I., A. E. i R. B.

Am. K.